



Synfocity = 938

mail us at : mzsynfo@gmail.com; mizoramsynod@gmail.com - Phone - 2314648

May 23, 2024

☐ **Kohhran Hmeichhia Central Committee vawi 561-na**

May 22, 2024 (Nilaini) khan Central Kohhran Hmeichhe Committee chu a vawi 561-na atan an thu khawm a. Meeting hi Pi Zothanpari, Chairman-in a kaihrui a, Pi H. Lalfakmawii, General Secretary hnen aṭangin report ngaihthlak a nih hnuah Pi Zothansiami, Treasurer-in sum dinhmun tlangpui report a pe bawk.

General Secretary Report-ah hian June ni 17-a NEICC-WA Inter Unit Visit inkhawm Programme ruahman a nih thu te, Central Hmeichhe hruaitute hmun hrang hranga rawngbawla an feh chhuah thu te leh Kohhran Hmeichhe Account hrang hrang audit fel a nih thu te ngaihthlak a ni.

Meeting-a ngaihtuah tur hian Inter Unit Visit programme-a IKK, Bualpui Ng tlawh chungchang te, PWF Consultation chungchang te, Inkhawmpui Lian vawi 51-na chungchang te, Aizawl Presbytery huam pawna Leadership Training neih chungchang te, Women Centre Managing Committee atanga thu lut te, Feh chhuahna tur ruahman chungchang te chhawp chhuah a ni.

☐ **Lay Leaders' Training**

Synod Multipurpose Training Centre (SMTC) buatsaih Lay Leaders' Training vawi 225-na chu May 21-24, 2024 chhung hian SMTC Hall, Mission Vengthlangah neih a ni.

May 21, 2024 (Thawhlehi) zan khan training hawnna inkhawm neih a ni a, inkhawm hi Rev. H. Lalmuanchhana, Director, SMTC-in a kaihrui a. Inlawmna neih a nih hnuin training hi Rev. V.L. Luaia Hranleh, Executive Secretary i/c SMTC-in a hawng a, thuchah a sawi zui a ni. Ni. R. Lalrinmawii (Arini), Leitan hnen aṭangin fakna hla ngaihthlak a ni.

May 24, 2024 (Zirtawpni) zan hian Graduation Programme kharna hman a ni ang a. Programme hi Rev. H. Lalmuanchhana, Director-in a kaihrui ang a, Rev. H. Remthanga, SMTC Managing Committee Member-in Certificate hlanin thuchah a sawi ang a. Rev. Lalrinmawia, Resource Person-in trainee-te ṭawngṭaisakna a nei ang a, Rev. Lalpiangtharan lawmthu a a sawi ang. He hunah hian Pi Deborah Remsangpuii a zai bawk.

Kohhran Upate tana Lay Leaders' Training hi kum 1996 aṭang khan neih ṭan a ni a, training-ah hian Kohhran Upate tan Kohhran enkawl dan leh inrelbawlana lam atana pawimawh chi hrang hrangte zir ṭhin a ni a, Kohhran thlarau lam nun enkawl dan ṭha te zir ho ṭhin a ni bawk.

☐ **Synod House Style chungchanga inrawnkhawmna**

May 23, 2024 (Ningani) khan J.M. Lloyd Hall, Synod Office-ah Synod Literature & Publication Board (SL&PB) buatsaihin Synod House Style chungchanga inrawnkhawmna neih a ni.

Programme hi chawhma dar 10:30-ah ṭan a ni a, Rev. V.L.Luaia Hranleh, Executive Secretary i/c SL&PB-in a kaihrui a, Rev. Lalbiaknia, Editor-in kal khawmte inhmelhriattirna a nei a, Upa H. Ronghaka, BEC member-in Synod House Style chungchang sawi hawnna a nei a, sawi hona neih zui nghal a ni.

He inrawnkhawmna hunah hian MAL, BSI, PUC, MZU, ATC, Art & Culture, MBSE, SCERT, Synod Pastor Pension Fellowship, Mizo Language Development Board leh SL&PB BEC member aṭangin mi 39 an kal a ni.

☐ **Synod Social Front**

- ♦ May 20, 2024 (Thawṭanni) zan khan Champhai Vengsang Bial KṬP huapin 'Fa neih tam inzirtirna campaign' neih a ni a, campaign hmanpui hian Synod Social Front aiawhin Rev. Lalbiaksanga Pachuau, Khawzawl FG&CC Counsellor a kal.

- ♦ May 21, 2024 (Thawhleri) zan khan 'Tunlai khawvela nute tlakchham' tih thupui hmangin Mission Veng Kohhran Hmeichhe inkhawmah campaign neihin Upa R. Zirrokunga, Synod Social Front Executive Committee member a kal.

- ♦ May 26, 2024 (Pathianni) zan hian Salem Veng Kohhranah 'Ruihhlo leh mipat hmeichhiatna hman khawloh' campaign nei turin Dr. Robert S. Halliday, campaigner a kal ang.

❑ **Synod Higher Secondary School**

May 21, 2024 (Thawhlehni)-a MBSE-in HSSLC 2024 Result a tihchhuaha Synod Higher Secondary School result hetiang hi a ni.

ARTS: Exam zawng zawng : 221
 Pass : 210 (95.02%)
 Distinction : 30
 I Div. : 100
 II Div. : 69
 III Div. : 11

Top Ten -

1. 4th Position : Vanlalkohbiki d/o Vanlalthara - 454/500
2. 4th Position : C. Lallawmawma s/o Robert Lalthanpuia - 454/500
3. 10th Position : T. Ramdinpuia s/o T. Zodinthara - 444/500

Highest Mark -

1. Vanlalkohbiki - English (93/100)

SCIENCE: Exam zawng zawng : 106
 Pass : 81 (76.42%)
 Distinction : 7
 I Div. : 64
 II Div. : 10

Highest Mark -

1. H. Vanlalremruatpuii - English (93/100)

❑ **Trust**

- ◆ May 20, 2024 (Thawhṭanni) khan Kanhmun Pastor Quarters sak mek enpui leh Garage sak tur enpui leh Manikbond Pastor Quarters Renovate tur enin Pu Lalhriatrenga, J.E a kal.
- ◆ May 22, 2024 (Nilaini) khan Saipum Pastor Quarters sak tur en puin Pu Lalramenga Royte, J.E. a kal.

❑ **Worship**

- ◆ May 23, 2024 (Ningani) hian Kawrtethawveng bialah Zai hruai training neihpuin Pu H. Lalrinmawia, Senior Instructor leh Tv. B.C. Lalrintluanga, Keyboardist te an kal.
- ◆ May 25, 2024 ((Inrinni) hian Chawnpui Bialah Worship Seminar nei turin Rev. Dr. K. Lallawmzuala, Executive Secretary leh Rev. F. Lalhmingthanga, committee member te an kal ang.

❑ **MSSU**

May 25, 2024 (Inrinni) hian Sunday School zirtirtu training neihpui turin trainer-te hetiang hian an chhuak ang:

Electric Veng Kohhran - Upa Lalthanchhunga, Upa Zohmangaiha leh Upa Saihmingthanga Sailo
 Khuangleng Bial - Upa K. Zoremsanga leh Upa John Lalnunthara

❑ **Prison Ministry**

May 25-26, 2024 chung hian District Jail, Champhaiah Jail-a rawngbawl dan tur Seminar leh Prison Ministry Awareness Campaign nei turin Rev. Lalmuchhuaka, Director; Counsellor te - Pu C. Lalchhanchhuaha leh Tv. Lalthansanga Sailo, leh Tv. Lalrempuia, Speaker, Saltang Chhuahtu Team te an kal ang.

❑ **Synod Mission Board**

◆ **Headmaster leh O/A tharte tan Orientation Training**

May 21-23, 2024 chung hian Devotion Hall, Synod Office-ah Synod Mission Board hnuai Headmaster leh O/A tharte tan Orientation Training neih a ni a, training-ah hian mi 13 an kal a ni.

Training chung hian an rawngbawl na atana pawimawh tur thil hrang hrang - SMB School Administration and Management, Account vawn leh a kaihnawih, Office file vawn, thawktute thlarau nun leh thawh hona, record & document vawn leh synod service chungchang te an zir a ni.

Training hi May 23 (Ningani) chawhnu dar 3-5 inkar hian kharna hun hman a ni ang a, he hun hi Rev. Dr. K. Lallawmzuala, Executive Secretary i/c Mission-in kaihruiin fuihna thuchah a sawi ang a, SMB Staff ten an ṭawiawm bawk ang.

♦ **Mission Orientation Course Training**

May 14-24, 2024 chung hian Missionary Training College (MTC)-ah Field Secretary leh Field Pastor-te tan Mission Orientation Course Training neih a ni a, Field Secretary pakhat leh Field Pastor pakua, an vaiin mi 10 an tel a ni.

Training chung hian thupui chi hrang hrang - Financial Management, Servanthood Ministry, Personal Management & Interpersonal Relationship, Professional Evangelism, Missionary Life leh thil pawimawh chi hrang hrangte zir ho a ni a, sawi hona neih thin a ni bawk.

♦ **Jharkhand Mission Field**

May 17, 2024 (Zirtawpni) khan belhtu thar pahnih an awm a, ni 18 (Inrinni) khan belhtu thar pakhat a awm a, ni 19 (Pathianni) khan belhtu thar panga an awm a, kohhran dang aţangin kan kohhranah mi pakhat arawn inpe bawk.

♦ **Nepal Mission Field**

May 18, 2024 (Inrinni) khan belhtu thar pali an awm.

♦ **Arunachal & Assam Mission Field (East)**

May 18, 2024 (Inrinni) khan belhtu thar pahnih an awm a, ni 19 (Pathianni) khan belhtu thar panga an awm bawk.

♦ **Arunachal & Assam Mission Field (West)**

May 19, 2024 (Pathianni) khan belhtu thar pakhat a awm.

♦ **Delhi Mission Field**

May 19, 2024 (Pathianni) khan belhtu thar 16 an awm.

♦ **Karbi Anglong Mission Field**

May 19, 2024 (Pathianni) khan belhtu thar panga an awm.

♦ **Tripura Mission Field**

May 19, 2024 (Pathianni) khan belhtu thar 12 an awm.

♦ **Masihi Sangati Thawktu Intuaitharna**

May 24-26, 2024 chung hian College Veng Kohhran Biak Inah Synod Mission Board buatsaihin Masihi Sangati hnuaiia thawktute tan intuaitharna hun hman a ni dawn a, Resource Person-te, Rev. Dr. Vanlalbela leh NI. Shalom Vanlalmawii ten thupui thlan bik hmangin zirtirna an pe ang.

May 24 (Zirtawpni) zanah thupui zir inkhawm neih a ni ang a, a tuk Inrinni (May 25) nilengin thupui zir inkhawm neih leh a ni ang a, zanah vantlang Pathian Biak inkhawm neih a ni ang a, Rev. H. Lalntlantlanga, Synod Statistician-in thuchah a sawi ang. May 26 (Pathianni) chawhma, chawhnu leh zanah te vantlang Pathian Biak inkhawm a awm ang a, chawhmaah Rev. Dr. K. Lallawmzuala, Executive Secretary i/c Mission-in thuchah a sawi ang a, chawhnuah Rev. R. Lalhmingsanga, Mission Board Secretary-in thuchah a sawi ang a, zanah Rev. R. Lalrinsanga, Masihi Sangati Kendra Director-in thuchah a sawi ang.

He hun hmang tur hian Mizoram chung hmun hrang hrang leh Shillong aţangin thawktute an kal khawm dawn a, Masihi Sangati hnuaiiah hian thawktu mi 214 an awm mek a ni.

♦ **January - April, 2024 chungga Mission Field hrang hranga belhtu thar neih dan hetiang hi a ni:**

S.No	Field	Total	S.No	Field	Total
1.	Arunachal & Assam Mission (East)	23	11.	Karbi Anglong	58
2.	Arunachal & Assam Mission (North)	25	12.	Calcutta	272
3.	Arunachal & Assam Mission (West)	29	13.	Lucknow	24
4.	Assam	16	14.	Nepal	73
5.	Barak Area	27	15.	Odisha	33
6.	Delhi	52	16.	Patna	77
7.	Home Mission North	35	17.	Siliguri	41
8.	Home Mission South	23	18.	Tripura	492
9.	Cachar Tlangram	14	19.	Masihi Sangati	1892
10.	Jharkhand	182	20.	Cambodia	9
Belh khawm					3397

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Tlangpui	Thlipui tuar	33	₹ 3,70,000/-
2.	Falkawn Hmar Veng Kohhran reception hall leh Sunday School hall chhia tanpuina			₹ 30,000/-
3.	S. Chawngtui	Khawsak harsa	3	₹ 30,000/-
4.	Kolasib Venglai	In chhia	2	₹ 20,000/-
5.	Sakawrdai	Damlo	1	₹ 10,000/-
6.	Bairabi	Damlo	1	₹ 10,000/-
7.	Vaikhawtlang	Damlo	1	₹ 10,000/-
			Belh khawm	₹ 4,80,000/-

❑ **FM Zoawi - Aizawl & Lunglei : Hruaina Eng Radio Programme**

May 24, 2024 (Zirtawpni) @ 7:30 p.m. :

FAK HLA HUANG HUN

Solo : Zohmingmawii Varte, Thusawi : Upa Dr. Lalrintluanga - Zirna, Solo : Vanlalmawia Khawlhing

❑ **Su Samachar Prasaran Programme :**

May 26, 2024 (Pathianni) 5:30 pm. :

Group/Choir/Solo : Khatla South Female Voice - Shukrya

Group/Choir/Solo : Chanmari West - Yesu Mere

Sermon : Rev. B. Zobiaktluanga

Group/Choir/Solo : P.C. Lianhmingthanga - Sahara

Group/Choir/Solo : Zotlang - Sara Zaha

❑ **Hruaina Eng TV Programme**

23.5.2024 (Ningani) 8:30 pm : Thupui zir bing

24.5.2024 (Zirtawpni) 5:00 pm : Kristian Naupang Pual

25.5.2024 (Inrinni) 5:30 pm : Puitling Sunday School Zirlai

26.5.2024 (Pathianni) 8:00 am : Weekly round up

5:30 pm : Su Samachar Prasaran

27.5.2024 (Thawhtanni) 8:30 pm : Hruaina Eng Luang chhuak

❑ **Moderator leh Executive Secretary-te Programme:**

Rev. R. Vanlalnghaka : Moderator

May 17-29, 2024 Ramthar Field tlawh (Karbi, Arunachal North, East, West, Assam)

Rev. C. Zoramawia : Senior Executive Secretary

May 29, 2024 MCC Graduation Day

May 31, 2024 MCC Governing Board

Rev. V.L. Luaia Hranleh : Executive Secretary

May 27, 2024 Prescom Dinmun Thar Duangtu Committee

May 28, 2024 Research & Evaluation Wing Committee leh

Child Evangelism Committee

May 29, 2024 MCC Graduation day

Rev. Dr. K. Lallawmzuala : Executive Secretary

May 24, 2024 Field Secretary Orientation - MTC

May 25&26, 2024 Masihi Sangati Evangelist Retreat

May 28, 2024 Central KTP Committee

May 29, 2024 MCC Graduation Day

June 1, 2024 Synod Higher Secondary School Committee

May 30, 2024-a Synod Officers' Meeting (OM)-ah Moderator leh Executive Secretary-te an thu ang

